



Լևոն Խեչոյան

Սպասում

Աղաբեկ տացուիս գյուղի ակունքում դատում էին, իսկ հայրս ամոթից չգիտեր որտեղ թաքնվեր:

Երբ փոստատարը եկավ մեր տուն եւ ասաց . «Աբլականտերը կանչում են», Աղաբեկ տացուս դեռ ձուն էր կլպում ու չէր վերջացրել նախաճաշը: Նրանք փոստատարի հետ տանու ցորենի օղիով «բարի լույս» արին, ու մենք դուրս եկանք: Գյուղացիք աթոռներով, իշտանուկներով, ով տանը ինչ նստելու հարմարանք ուներ՝ գցած ուսերին, շտապում էին ակունք: Գյուղի վրա տարածվել էր վառված լաթերի մրմռացնող սուր խանձրահոտը: Աղաբեկ տացուս ասաց . «Վրացոնց տղոցկան կանայք էսօր երեխա կունենան...»: Նա առջեւից էր գնում: Ես ու փոստատարը տեսնում էինք նրա երկար հասակի կծկվածությունը՝ զույգ հենակների վրա: Դատն արդեն վաղուց սկսվել էր՝ ուշացածները դեռ գալիս ու գալիս էին: Դատավորը հայտարարեց, որ նոր, լրացուցիչ փաստաթղթեր են ստացվել: Մեզ՝ ինձ ու Աղաբեկ տացուիս չէ, դահլիճին հարցրեց . «Վառվածի հոտ են առնում, չլինի՞ բան է վառվում»: Հարցումից ուրախացած դահլիճը դատավորին պատմեց, որ «վրացիների կանայք, երբ երեխա են ունենում, չարին նրանից քշելու համար չուլ են վառում»: Դահլիճը ուրախացել էր անտեղյակ դատավորին բացատրելուց: Աղաբեկ տացուս նայեց դռանը՝ հայրս չէր գալիս: Ես էլ էի ուզում, որ հայրս գար: Դատավորն ասաց . «Ուրեմն այսպես... մեղադրյալը գյուղում հայտարարել էր, թե ոտքը կորցրել է Ստալինգրադի պաշտպանության համար, մի ուրիշ անգամ, թե Մոսկվայի պաշտպանության ժամանակ, թե գերմանացին կողքանց ավտոմատի համազարկ է տվել ոտքին, որ ինքը հերոս է... Ուրեմն այսպես, մեր

հարցումին եւ մեր գործին նոր լույս սփռող փաստաթղթերը ասում են . Բեռլինի այսինչ հոսպիտալի բակում թաղված է մեղադրյալի ոտքը եւ գիտե՞ք ինչու . սապոզն է հարել ոտքը...»:

Դահլիճը ծիծաղում էր... Դատավորը մեզ` ինձ ու Աղաբեկ տացուիս չէ, դահլիճին դիմեց . «Էս ինչ սուր է գալիս վառվածի հոտը, ծխողները թող մի քիչ քիչ ծխեն . իրար չվառեք...»: Մենք երկուսով նայեցինք դռանը . ուզում էինք, որ հայրս գար:

Աղաբեկ տացուս մեր գյուղից քայլելով հասել էր Բեռլին, ոտքը թողել էր այնտեղ: Մի ոտքով եկել էր գյուղ ու հայտարարել, թե` հերոս եմ:

Դահլիճը ծիծաղում էր...

Եկել էր տուն ու հորս էլ էր այդպես ասել: Ասել էր . «Մորդ չկարողացաք պահել մինչեւ գալի: Պիտի ամուսնանամ, ես մի ոտքով կնկանդ հույսին մնացողը չեմ»:
Այս առիթով նրանք հաճախ էին վիճում: Հայրս ասում էր . «Այդ տարիքի՞դ . հարս ունես, թոռ ունես, գյուղում խայտառակ կլինենք»: Եվ լրացուցիչ ավելացնում էր, որ տնտեսությունը երկու մասի բաժանելը սխալ քայլ կլինի:

Աղաբեկ տացուիս, գարնան գլուխ, դնում էին կոլտնտեսության Կայծակ անունով իշու վրա, եւ Կայծակ էշը` ոտքերի տակից փախչող մանր քարերից հետույքին հետույքին նստոտելով, պլոկտելով գավակը, երկու ժամ հետո նրան հասցնում էր ձորի խորքը` գյուղի ջրաղացը:

Նա բոստանն էր ցանում, ջրաղացն էր աշխատեցնում, գյուղի աղունն էր աղում, շրջակա գյուղերից` կորկոտը ծեծելու բերած կանանց հետ ջրաղացի կտուրին աճած խոտերի ու փշերի մեջ էր պառկում մինչեւ աշուն, ու նորից Կայծակ էշը նրան` անթացուպերը սեղմած թեւերի տակ, ծնկելով ծնկելով` պլոկտելով ծնկներն ու կուրծքը, վերել` գյուղ էր բերում:

Դատավորն ինձ հարցրեց . «Վկա, պիտնե՞ր ես»: «Այո», ասի: «Գի տե՞ս, որ սուտ ցուցնունք տալ չի կարելի»: Ասի . «Դատակեր ասել է, դպրոցի դիրեկտորն ասաց, եթե խաբեն, ինձ դպրոցից դուրս կհանեն»: Դահլիճը շունչը պահած

սպասում էր... Մենք էլ՝ ես ու Աղաբեկ տացուս էլ էինք սպասում, որ հայրս կգա...

Դատավորն ասաց. «Պատմիր՝ ինչպես որ պատահել է»: «...Աղա բեկ տացուսի ջրաղացը հաց էի տարել: Դռանը խաղում էի: Շոգ էր: Հետո աղացքարի լծակի վրա կախված նալիկների ձայնը կտրվեց: Չխկանը լռեց: Ջրաղացաքարը կանգնեց: Ստվերը եկավ»: Աղաբեկ տացուս ասաց. «Երեւի վայրի խոզերը դարձյալ գետի հունը բացին, գնանք նայենք...»:

Դատավորը՝ «Բա ինչո՞ւ քեզ հետը տարավ»: Ասի. «Ջրաղացում չեմ կարողանում միայնակ մնալ, վախենում եմ ջրհորդանի, ջրաղացի տակ ապրող սատանաներից...»: Դահլիճը ծիծաղում էր... Ես ուզում էի, որ հայրս գար, Աղաբեկ տացուս, գլուխը կախ, ծխում էր, դահլիճն էլ էր ծխում, ես գիտեի, որ քթիս կայնող դառը ծուխը Աղաբեկ տացուսի ծուխն է, ու նա էլ է ուզում, որ հայրս գա: Ասի. «Մենք շատ էինք բարձրացել վերեւ»: Աղաբեկ տացուս ասի. «Չորին»: Նա ասաց. «Քարերի մեջ մարդ է ընկած»: Քարերի մեջ ընկած մարդը խոխոսացնում էր, ջորին հեռվում, երեք ոտքերի վրա կանգնած, պոչն էր թափ տալիս, քարերի մեջ խուրջին էր ընկած, մեջը լիքը փող: Աղաբեկ տացուս ասաց. «Չորին խրտնել է՝ գցել ցած»: Չորու աչքերը խոշոր էին, սեւ: Ես վախենում էի, ասաց. «Մի վախենա»: Նստեց քարին...

Մարդը խոխոսացնում էր, արյունը լցվում էր աչքերի մեջ, արյունոտ աչքերը բացեց, նա երեսում էր ջորու աչքերի մեջ, գետի մեջ: Գետը գնում էր, նրան չէր տանում, ջորին սեւ աչքերը փախում, բացում էր՝ նա կար: Բերանից էլ արյուն էր գալիս, ասաց. «Ղաարդաաշ եսս օգնեես...»: «Տացու», ասի, «վախենում եմ»: Ասավ. «Մի վախենա, թուրք է: Առավոտյան տեսա՞ր, ոչխարի հոտը տանում էին Ախցխու կողմերը ծախելու...»: Մարդը մանր քարերից էր կառչում, քարերը ձեռքի հետ գնում էին, նա չէր կարողանում կանգնել, խճի ու գլաքարերի մեջ ընկած՝ ջղածգվում էր, ջորու սեւ աչքերի, գետի հայելու մեջ ծալծլվում, չէր կարողանում կանգնել:

Տացուս ասաց. «Սպասենք»: Ես ասի. «Գնանք, շոգ է»: Նա՝ թե. «Դա հեշտ է, մի վախենա, ես էնտեղ շատ մահ եմ տեսել: Տեսնո՞ւմ ես էն գորտին, չի վախենում: Մի տես գորտին, գետակից դուրս է եկել, քարին նստած՝ մեզ է

նայում, այ դու սատկես... Վախենալու բան չկա, պիտի կարողանանք սպասել...»:

Դատավորը, թե՛ «Բա ինչո՞ւ չէիր լացում»: Ասի . «Լացում էի»: Դատավորը թե . «Բա նա», մատով ցույց տվեց Աղաբեկ տացուիս: Ասի . «Գրպանից պնդուկ հանեց, ասաց, գնա մի կողմի վրա, կեր»: Բերանս չկարողացա բացել, ատամներս կպել էին իրար, ասի . «Առ պնդուկներդ, գնանք»: Ասավ . «Մի վախենա, էդ տեսակ վերքով շատ չի քաշի, մինչեւ գորտը էն քարից թոնի ջուրը... գիտեմ, ես էնտեղ էնքան մահ եմ տեսել, ուզո՞ւմ ես պատմեմ, թե ոտքս ոնց եմ կտրել»: Ես լացեցի, նա թե՛ «Ուզում ես, գնա էն քարերի մեջ օձ բռնի, չեմ նեղանա»: Ասի . «Չեմ ուզում, գնանք»: Ասավ . «Հիմար, փող կունենանք, ինչ մեծ բան է, որ չես սպասում գորտը քարից ջուրը թոնի, նոր տուն կշինենք, հորիցդ էլ չեմ բաժանվի, չեմ ամուսնանա, տան գլուխ կլինեմ, հայրդ խորհուրդ կհարցնի: Մայրդ, ձեռները կոնքերին՝ չի գոռա հորդ երեսին . «Աման, էլ չեմ կարող պահել էդ միտտանի քյավթառ գոռուզին»: Մենք էլ սպիտակ հաց կթխենք, հարեւանները մեր հետ էլ դրկիցություն կանեն, պարտքով հաց կտանեն բերեն, էլ չեն զգվի փնթի, կոկրոտ մորիցդ, գյուղում մենք էլ մարդահաշիվ կլինենք, մեզ էլ հարսանիք կկանչեն, դու էլ մյուս տղաների հետ հարսի սինուց մոմփազ կթոցնես, հայրդ շաբաշ կտա՝ կպարի, բրիգադիր Պանտելը կվախենա, չի կտրի աղոթած էշ հորդ աշխօրերը, նրան չեն վախեցնի, ձմռան ցրտին չեն ուղարկի յայլաներում մնացած խոտը բերելու, նա էլ, ցրտից ամիսներով մեզկապ, անկողին չի ընկնի, խոտքաղին ճահիճ ները չեն քշի, մալարիայով ու դողերոցքով անկողին ընկած կուրծքը չի ճղի, թե՛ կրակը հոս է, մարեք, սպիտակ վերնաշապիկ որ ունենա, դեպուտատ կընտրեն, ինձ էլ, հրամայելով, չեն նստեցնի Կայծակ էշի մեջքին, որ ամբողջ երկու ժամ, գեմարոս տրորելով, իջնեմ ձորը, ձմռան կողմերը ինձ չեն թողնի՝ մոռանան ամայի ձորումը, որ ես էլ կատաղած սկսեմ խմել ու խմել, խմելը կթողնեմ, ժամանակ շատ կլինի, մեր նորաշեն տան դռանը նստած՝ քո համար շվիկ կշինեմ, հեքիաթ կպատմեմ, կպատմեմ, թե ոտքս ոնց եմ կտրել... Անձրեւ գիշերներին ցրտից դողալով, տաշտը ձեռքիդ, թալկացած աչքերով չես նստի անկողնուդ մեջ, էն Սեթո ախպերդ մի բուպեում հավի ձագի պես ափ ու խուփ չէր լինի... Հայրդ, ծկլթալով, չէր վազի տան շուրջը, թե՛ այ ժողովուրդ, հասեք կլոր բերան Սեթոյիս՝ չգնա... այ ժողովուրդն էլ իբրեւ չի լսում, որ հանկարծ հայրդ պարտքով փող չուզի... Ո՞վ է հիմա մրսածությունից այս տաք աշխարհից

գնում... Հայրդ տան շուրջքուրը չէր ծկլթա, թիֆլիսներում ու Էրեւաններում
նոտքով պրոֆեսորների դռները կշարդեր... Ասում են՝ լենինգրադներում այն պիսի
նոտք են դնում, ինչպես սեփականը . ոտքս դնել կտամ, թիզուկես խեղճուկրակ
հորդ գյուղամիջում անցնողն էլ գլխին չի բամփի, չի ծեծի, սիրտս չի մղկտա,
կհասնեմ՝ արսուփարս կանեմ, հորդ թիկունք կլինեմ, ախպեր կլինեմ: Քեզ
մեքենա կառնենք, Վալոդի փնթի, անծոտ աղջիկներին կգայթակղեցնես, կտանես
ման տալու, ուզես մեքենադ կկանգնեցնես, նրանց հետ թփերի մեջ կմտնես: Ես
գիտեմ, աշխարհում շատ բան են տեսել, հավատա, Էդ տեսակ վերքով երկար չի
քաշի... գորտի թոնելը ինչ է, որ չես սպասում՝ գորտը քարից ջուրը թոնի»:
Ասավ . «Թորքը Սոնա մորս իմ աչքի առաջ բռնաբարեց, մատըն երեխա էի, քո
չափ... Քարը որ պաղավ, գորտը երկար չի նստի...»:

Շոգ էր: Օրը գնում էր: Քարը պաղում էր: Գորտը էլի նստած էր: Մարդը
կծկվում, տնքում էր ջորու սեւ աչքերի մեջ, արյունոտ քարերի մեջ: Գետը գնում
էր, օրը գնում էր, ջորին սեւ աչքերը փակում-բացում էր... մարդը չէր գնում...
Մենք սպասում էինք, որ գորտը քարից ջուրը թոնի, չէր թոնում, նստած թուքն էր
կուլ տալիս: Ասի . «Գնանք, տացու...»: Ասավ . «Մի վախենա, ուզո՞ւմ ես
սպասեմ՝ ոտքս ոնց են կտրել: Դու լսե՞լ ես հերոսի ոտքը ոնց են կտրում... Կամ
ուզո՞ւմ ես, գնա ջորին նստի, չեմ թակի...»: Ասի . «Ջորին նրանն է, չեմ
ուզում...»:

Դատավորը թե՛ «Բա դու ինչո՞ւ չգնացիր, թող դու գնայիր...»: Ասի . «Գորտին
էի սպասում, տացուս ասաց, որ գորտը թուքը կուլ կտա, կարծնի ու էլ երկար չի
մնա ջրից դուրս... համ էլ ջրաղացում կվախենայի սատանաներից...»:

Դահլիճը ծիծաղում էր...

Մենք՝ ես ու տացուս, նայեցինք դռանը՝ ուզում էինք, որ հայրս գար...

Դատավորն ասաց . «Խանձահոտ է գալիս, իրար չվառեք...»: Դահլիճն ասաց .
«Տղոցկան կանանցից չար ոգին քշելու համար վրացիք չուլ են վառել»:

Դատավորն ասաց . «Թող թողնեիր, գյուղ գնայիր...»: Ասի . «Գորտը չէր
թոնում, իսկ նա վախենում էր»: «Ո՞վ», հարցրեց դատավորը: Ասի . «Տացուս,

անընդհատ ծխում էր: Հետո, երբ օրը գնաց, շոգն անցավ, գետը գնաց, ջրու աչքերն էլ չէին երեւում, մութը ընկավ, մարդն անշարժացավ՝ բաց աչքերով կուշ եկած քարերի մեջ, ցուրտը եկավ, տացուս սրթսրթաց, գորտը թռավ ջուրը, քարերի մեջ մուկը ճատճատաց, տացուիս մագերը ճերմակեցին...»:

Դահլիճը հռհռում էր, տացուս ծխում էր, դատավորը ծիծաղում էր, ասաց . «Հետո՞»: «Հետո էլ Տացուս, թե՛ տեսա՞ր, ինչ հեշտ էր, գորտը թռել է»: Մենք խորջինը վերցրինք, ասաց . «Ոչ մի բանից չվախենաս, չհիշես, կյանքումդ էլ չմտաբերես, որ ապրելը հեշտ լինի, դիմացի, որ հասնենք ջրաղաց, քեզ կպատմեն, թե ինչպես են ոտքս կտրել...»: Մի ոտքի վրա կանգնած՝ միգում էր ծառին, կռշիկներին, շավարին, հենակներին...

Տացուս նայեց աչքերիս, դահլիճում ծուխը շատ էր, նրա ծխախտտի դառը ծուխը հասավ քթիս, հետո նայեցինք ակումբի դռանը, մենք ուզում էինք, որ հայրս գար...